

Табасарандин СЭС



Табасаран райондин
жямьяьтлугъдинна - политикайин газат



Голос
Табасарана

№ 41 (1185) Жвуми, 11-пи октябрь, 2024-пи йис (2001-пи йисан 5-пи майдианмина удубч1вур)

Тебрик аплуз!

Гьулан мяишатдин ва тартиб аплуру промышленностдин работникдин Йигъахди!

Ихь уьлкейиь октябрин кьюдпи элгьет йигъан гьулан мяишатдин ва тартиб аплуру промышленностдин работникдин Йигъ кьайд аплура. Думу фермерарин, агрономарин, хурагнан ва гьулан мяишатдин продукция тартиб аплуру карханйирин работникарин, гьацира чпин участокарин бистанчивал, багъбанчивал аплурайидарин пишекарвалин Йигъ ву.

Уьлкейин экономикайиь гьулан мяишатдин эгъемият лап ахьюб ву. Гьулан мяишатди ухьу зат хьтудубт1ди ит1ру-ухру сурсатарихъди тямин, уьлкейин гьазанжар за аплура. Ихь район республикайин асас вуди гьулан мяишатдин продукция гьасил аплурайи районикан саб ву. Ихь райондиьра гизаф агъалйири жилин ляхин ва гьулан мяишатдин гьасилвал йислан-йисаз за аплура. Гьаци, райондин экономикайиь гьулан мяишатдин гьасилвали важиблу йишв бисура.

Гьюрматлу ватанагълийир, гьулан мяишатдин ва тартиб аплуру промышленностдин работникдин пишекарвалин машкврахъди тебрик аплури, учвуз варидиз ляхнариь хьуркьувалар, жандин сагъвал, хизандин хушбахтвал ва к1ул'ин ислягъ зав кун аплураза.

«Табасаран район» МР-ин глава
М.С. КЪУРБАНОВ.

Дагъларин канч1арихъ хъайи зонийн районарин арайиь – шубубпи йишв

Республикайин шагъарин ва районарин арайиь ерли самоуправленийин органарин ляхнин натижалувалиан к1ули гьубху мониторингдиз асас, Дагъустандин дагъларин канч1арихъ хъайи зонийн районарин арайиь Табасаран районди шубубпи йишв гьибисну. Дидихъди аьлакбалуди, райондиз 1,5 миллион манат жара аплиди.

Дици хьували, райондин глава Мягъямед Къурбановдин гафаринди, идара аплбан гьракатар улихъ душнайиваликан ва жямьяьтлугъдихъди аьлакьа мюгъкам дубхънайиваликан к1ура. «Му хьуркьувал ухьу ихь агъалйирин яшайиш ва дидин ери ужу алап1уз диш дап1найи ляхниь ужувлан дигиш'валар т1аьбан натижа ву», - кьайд гьапл1ну дугъу.

«Думу ляхниь асас факторар вуди райондиз инвестицийр жалб аплуб ва яшайишдинна-коммуналин, социалин объектар тикмиш аплуб, кьабул аплурайи кьарарин ашкарвал, гьуларин узу иштирак шули гьахьи сходарий гьуларин месэлийр гьал аплбаь агъалйир активно иштирак хьуб, гьацира арайиз гьюрарий месэлийр вахтнинди гьал аплури хьуб ву.

Гележегдиь учу агъалйирихъди вуйи аьлакьа хъана мюгъкам аплбаз, райондин администрацияйин работникарин пишекарвалин дережа за аплбаз артухъди фикир тувбанди вуча», - гьаплну райондин главайи.

Дугъу аьлава гьапл1нуки, му хьуркьували район дурумлуди артмиш аплбаз ухьу хъана гьевеслу аплура, хъа жара дап1найи дакьатар инфраструктурайин кьурулуш ужу алап1уз харж аплидихъа.

Аь.РАШИДОВ.

Лайикьлу гьахьну, лишанлу гьапл1ну

СВО. Магъа шубубпи йис ву му гаф ихь мелзнийн алди. Кьюр, шубур, хьур бай СВО-йиь иштирак шулайиш к1уру гафарна дурадин бабарикан ерхьури шулу. СВО-йин женгарий баяр гьак1и бабар, дурадин хппар, чийр жаради аьгъю шулу. СВО-йин женгарий жа-

нар диву чпин жигьил баярин яс уьбхьури, к1ару палатдиь уч1найи дурадин улар гьаммишан дердан нивгъари ац1ну шулу. Диддарин жегъийр яркьу шулайивали гьалабалугъра кипру. Уьлкейиз читин вахтна ухьу дидин гьайгъушнаь, гьуллугънаь

(Аьхир 2-пи машнаь.)

Пишекарвалин Йигъахъди тебрик гьапл1ну



Ццийин йисан 4-пи октябриь Табасаран райондин администрацияйин актовый залиь мялимдин Йигъаз бахш дап1найи шадвалин серенжем гьабхьну. Душваь райондин глава Мягъямед Къурбанов, РД-йин Халкьдин Собраниейин депутат Алавудин Мирзабалаев, райондин депутатарин Собраниейин председатель Иса

Исаев, райондин образованийин Управлениейин ва образованийин идарийрин руководителар, серенжемдин гьюрматлу хьлар – чпин зегъметнан вари уьмур биц1идариз аьгъювалар ва тербия тувуз бахш гьаплу педагогвалин ляхнин ветеранар - иштирак гьахьну.

Серенжемдиь удуч1вну улхури, Мягъямед Къурба-

новди райондин образованийин цирклиь аьхирмжи йисари духънайи ва шулайи ужувлан дигиш'валарикан, гьадму гьисабнаан хайлин мектебар диддиан рас аплбакан ва ц1ийидар тикмиш аплурайиваликан, образованийин идарийрин материалинна - техникайин бина ва урхурайидариз шариттар

(Аьхир 2-пи машнаь.)

В селении Ерси отметили юбилей школы

5 октября, в День учителя, в селении Ерси отметили 120-летний юбилей со дня открытия местной школы. В рамках празднования знаменательной даты в Ерсинской СОШ были проведены волейбольный турнир, в котором участвовали команды из Ерси и близлежащих сел, мастер-классы учеников школы и торжественная линейка.

В качестве почетных гостей на юбилее присутствовали глава Табасаранского района Магомед Курбанов, депутат Народного Собрания Республики Дагестан Алавудин Мирзабалаев, известные выпускники СОШ разных лет, которые в настоящее время проживают в различных регионах страны, ветераны педагогического труда, представители общестственности, жители Ерси.

С началом СВО более 90



выпускников школы встали на защиту Родины в ДНР и ЛНР.

Директор школы Аким Аскендеров зачитал доклад по истории школы, которая

зародилась в далеком 1904 году в качестве Ерсинского одноклассного училища. Это было первое светское образовательное учреждение на

(Окончание на 6 стр.)

Лайкьлу гъахьну, лишанлу гъап1ну



(Эвел 1-пи машнаь.) дархьшиш, думу нацистарихьан, чапхунчйрихьан дюрюбхиш, ихъ гележегдин наслар шил'ина табшурмиш ап1уру?... Дурарин гележег бадали, ихъ жигъилари лазим вуйи йишвахъ чпин жанар диври, душмандихьан уьлке уьбхюра. Ухъу дураринди, дицдар дирбаш баяр айвалиинди, уткан вухъа.

Магъа 8-пи октябриьра «Табасаран район» МР-ин Главайин кабинетдиь спецоперацияйихъди аьлакьалу вуйи наградиьр тувру серенжем к1ули гъубшнний. Му ражари серенжемдиз теклиф дап1наидарин арайиь ч1ивиди имбу эскерра, тарифназ лайкьлу гъуллугъ ап1урайи эскрин гарара айи.

Серенжемдиз райадминистрацияйин жавабдар ксар, Табасаран райондиь айи военкоматдин военкомдин вазиьфир вахтназ вуди к1улиз адагъурайи Набир Шихаьгмадов, райондин Жямьяьтлугъ палатайин

председатель Аьлимрза Гьасанов, райондин ветеранарин Советдин председателъ Къумалат Къумалатов, райадминистрацияйин главайин диндин ляхнариз лигъру кюмекчи Набир Зульфийкаров, лишанлу ап1урайидар яшамиш шулайи гъуларин дахилнаь айи гъулан администрацияйин главйир айи.

Серенжемдиз ап1ури, «Табасаран район» МР-ин Глава Мягъямед Къурбановди спецоперацияйин гъак1и эскерин душваз дуфнайи багахълуьйириз башсагълугъвал ккун ап1бан гафар гъапнний. Дугъу гъацра ихъ гъюзимбу наслин гележег бадали, дурари чпин жанар гъаьиф дарап1райиваликан, дурари улупурайи гъунарикан гъапнний ва чухсагъул мялум гъап1нний.

Аьлимрза Гьасановдира, Къумалат Къумалатовдира ва Набир Зульфийкаровдира чпи дурарин пашманвал пай ап1руваликан, ухъу ба-

дали эскерри зигурайи зегъметнакан, улупу ва улупурайи гъунарикан, гъапнний.

Серенжемдиз Бухънагъ гъул'ан вуйи старший прапорщик Ренат Камилевич Пиров, Тинит1 гъул'ан вуйи сержант Аьгмад Гъажикеримович Мирзакеримов ва старшина Вадим Минбудагъович Гъажибегов Къагъялвалин орденарихъди (йик1бан кьяляхъ) лишанлу гъап1нний, орденар дурарин багахълуьйирихъна тувнний. Цалак мягъялиан вуйи Низам Нажмутдинович Мягъямедов Суворовдин медалихъди лишанлу гъап1нний, хъа Жулжниф гъулан агъали Къасум Аьгмадхановдихъна дугъан бай Мурадхан Аьгмадхановди спецоперацияйин гъуллугъ ап1урайи частнан командованияйихъан гъафи Чухсагъулин кагъаз тувнний.

**Угълангерек
АБДУЛКЕРИМОВА,
Н. РЯГЪИМОВДИ
гъиву шикил.**

Яракьлу Къувватариз чвлин дих ап1бан комиссияйин заседание гъабхьну

Ццийин йисан октябрин 7-диь Табасаран райондин администрацияйин актовый залиь райондин глава Мягъямед Къурбановдин регъберваликкди (призывдин комиссияйин председателъ) РФ-йин Яракьлу Къувватариз призывникариз дих ап1бан чвлин дих ап1бан комиссияйин заседание гъабхьну.

Заседаниейиь гъацра райондин главайин жямьяьтлугъ хаг1асузвалин месэлийриз лигъру заместителъ Ринат Мирзабаляев, дих ап1бан комиссияйин членар, райвоенкомдин, РФ-йин МВД-йин РД-йин Табасаран райондин отделнин, ЦРБ-йин вакилар, гъуларин поселенийрин главйир ва ВУС-арин работникар иштирак гъахьну.

Заседаниейиь хъадукран дих ап1бан кампанияйин натижийриз гъилигъну ва чвлин дих ап1бан кампанияйин месэлийрикан гъапну.

Совещание ачмиш ап1ури, Мягъямед Къурбановди гъапнуки, чвлин дих ап1бан кампания 1-пи октябриь ккебгъну. «Чвлин дих ап1бан кампания заан дережайиьди тешкил ап1бан ва к1ули гъабхъан бадали, ихъ уьлкейин Президентди ва республикайин Главайи улихъ дивнайи месэлийир ва тувнайи табшуругъар ухъу тамам дап1ну ккунду», - гъапну Мягъямед Къурбановди.

Хъадукран дих ап1бан кампанияйин натижийрикан, хъа думу кампания апрель – июль вазариь к1ули гъубшнний, ватандашар военный гъуллугъназ гъазур ва дих ап1бан райвоенкомдин отделнин начальник Рафик Къасумовди мялумат тувнний. Дугъу къайд гъап1ганси, хъадукран дих ап1бан кампанияйин вахтна райондин РФ-йин Яракьлу Къувватариз 87 касдиз дих гъап1нний. Рафик Къасумовди, чвлин дих ап1бан кампанияйин вахтна райондин ва гъарсаб гъулан советдиан фукъан жигъилариз дих ап1уруш, жа-жаради къайд гъап1ну. «Чвлин дих ап1уб 30-пи декабриз давам хъибди. Думу вахтна армияйиз дих гъап1у жигъилар СВО-йиз жалб ап1идар», - гъапну дугъу.

Мягъямед Къурбановди гъапнуки, призывдин вахтна гъуларин поселенийрин главйири райвоенкоматдихъди, полицияйин участокарин уполномоченныйирихъди ва ВУС-арин работникарихъди саг1иди активно ляхин дубхну ккунду.

Мушвахъди райондин главайи ватандашарихъна повесткйир тувуз саг1иди гъагъуб, призывникар военкоматдиз гъуб тямин ап1уб, чвлин дих ап1бан месэлийир тамам ап1бан бадали вари кьурулушарин ляхин албагъу гъабхуб лазим вуйивал къайд гъап1ну. «Гъарсар призывникдиз чан мажбурнамйир ва военкоматдиз дуфну ккуни вахтарикан аьгъяди ккунду. Думут1анна савайи, ватандашарихъди гъаврикк ккаьбан ляхин дубхну ккунду. Къанунар ч1ур ап1рували тьялукъ жавабдарвалихъна хуру.

Вари кьурулушарин саг1иди вуйи кьувватаринди ухъу чвлин дих ап1бан кампания лазим вуйи дережайиьди к1ули гъабхидихъа», - гъапну Мягъямед Къурбановди.

Аь. РАШИДОВ.

Пишекарвалин Йигъахъди тебрик гъап1ну

(Эвел 1-пи машнаь.) ужу шулайиваликан, багахъ йисариз думу циркляин улихъ дийигънайи месэлийрикан гъапну. «Аьхиримжи йисари ухъу образованиейин идарйирин материална-техникайин бина ва урхбазна –тербия гъадабгъбаз вуйи шараитар хайлин ужу алаунхъа. Райондиь хайлин мектебар дибдиан рас гъап1ну, ц1ийи урхбан йисаз, месэла, Туруф ва Нич1-рас гъуларийи ц1ийи мектебар ишлетмиш'вализ тувну. Хюрикк гъулаь ц1ийи мектеб дивра. Му ляхнар ихъ биц1идариз урхуз ва тербия гъадабгъуз хуш шараитар яратмиш ап1уб метлебниинди к1ули гъахураха. ЕГЭ-йин уждар натижийр ахъуз, гъаму йисан кьюр касди 100 баллар гъазанмиш гъап1ну. Му мялимарин фидакар зегъметнан натижа ву», - гъапну Мягъямед Къурбановди.

Чан улхбаь Мягъямед Къурбанов педагогвалин ляхнин ветеранарихъна жаради илт1ик1ну ва дурариз саб-швнуб насил уждар пишекар гъазур ап1бак ахъу пай кивбан чухсагъул мялум гъап1ну. Райондин главайи образованиейин работникар пишекарвалин машкврахъди тебрик ва дурариз мягъкам сагъвал, хушбахтвал ва ляхниь хъана заан хъуркьувалар ккун гъап1ну.

Педагогвалин работникар пишекарвалин машкврахъди РД-йин Халкъдин Собраниейин ва чан терефнаан депутат Алавудин Мирзабаляевдира тебрик гъап1ну. Дугъу чан



улхбаь гъийин девриь мялимдин ляхнин важиблуваликан, образованиейин кьурулушдин асасваларикан гъапну ва мялимариз чпин гъийи дару ляхниь хъуркьувалар ккун гъап1ну.

Серенжемдиз райондин образованиейин Управлениейин начальник Аьбдусалам Гьасановдира чан коллегйир мялимдин Йигъахъди тебрик, райондин образование артмиш ап1баь гъарсар мялимдин зегъмет важиблугъ вуйиб къайд гъап1ну.

Чан коллегйир пишекарвалин машкврахъди тебрик ап1ури, секи 50 йисандин мялимвалин тажруба айи, хайлин йисари Хючнаарин кьюбпи нумрайин кьялан мектебдин директорди гъилиху Желил Мусаевди образованиейин артмиш'вализ ва педагогвалин ляхнин ветеранариз ахъу



машкврахъди тебрик гъап1ну.

Ярхла айивализ ва читин шараитариз дилигди, рякьру аьлакьайин къайдайинди райондин мялимарин пишекарвалин йигъахъди СВО-йин иштиракчи Замир Гъафизовди тебрик гъап1нний.

Аьхирийи гизаф йисари намуслу зегъмет гъизигу, баяршубариз аьгъовалар ва тербия тувбаь хъуркьувалар гъазанмиш гъап1у, райондин образование артмиш ап1бак лайкьлу пай киву педагогариз райондин главайин, Дагъустан Республикайин образованиейин ва илимдин Министерствойин ва профсоюздин тешкилатдин терефнаан Гьюрматган Грамотйир, ведомствойин наградиьр тувнний.

**Аь. РАШИДОВ,
Н. РЯГЪИМОВДИ
гъиву шиклар.**



фикир туврайивалин райондин руководствойиз чухсагъул мялум, хъа жигъил мялимариз ахъу насларихъан нумуна гъадабгъуз дих гъап1ну.

Серенжемдиз Жвул'арин кьялан мектебдиь лихурайи земский мялим Рустам Рамазанов удуч1вну гъулхну ва чан коллегйир пишекарвалин

Сквер ачмиш гьап1ну

Хючна гьулан Цалак мягьял тешкил дап1ну секи хьуц1ур йис тамам шула. Думу тешкил ап1руган, душваъ «Хучнинский» совхоздин идара айи. Думу совхоздиъ лихурайи рабочйириз хулар тикмиш ап1балан Цалак мягьял ккебгънийи. Гъи Цалак мягьялиъ шубудварждилан зина хизан яшамиш шула. Саб вахтна душваъ ккергъбан классарин мектеб гьаракатнаъ айи. Гьамус думу имдарди хайлин йисар ву, думу мягьялин баяр-шубар Хючнаарин 1-пи нумрайин лицейиз гьагьюра. Лицейи дурар, «Газелиъди» мектебдиз гьахура ва къяляхъ хура. Гьацира Цалак мягьялиъ «Теремок» бицидарин багъ ва ФАП, мини-футболдин майдан гьаракатнаъ а. Гьамус, яни 4-пи октябриъ душваъ бицидариз вуйи цийи сквер ачмиш гьап1ну. Ухьуз мялум вуйиган-



си, аьхиримжи йисари ихъ райондин гьуларий мицдар 15 сквер тикмиш гьап1ну

ва ишлетмиш вализ тувну. Думу скверарий гьам бицидариз, гьамсана дурарин абйир-бабариз рягьятвал йивуз шараитар а.

Цалак мягьялиъ бицидариз вуйи сквер ачмиш ап1баз бахш вуйи шадвалин серенжемдиз «Табасаран район» МР-ин Глава Мягьямед Кьурбанов, Дагьустан Республикаин Халкъдин Собраниеин депутат Алавудин Мирзабалаев, райондин депутаттарин Собраниеин председатель Иса Исаев, сквер тикмиш гьап1ну подряддин тешкилатдин вакилар, райадминистрацияин, «Хючнаарин гьулан совет» СП-ийн пишеклар, Цалак мягьялин жамьяъ ва жарадар иштирак гьахънийи.

Сквер ачмиш ап1баз вуйи шадвалин серенжемдиъ удуч1вну улхури, Мягьямед Кьурбановди гьамци гьап1ну (Аьхир 8-пи машнаъ.)

Гьулан мяишатдин ва тартиб ап1ру промышленостдин работниқдин йиғъаз тьагьъ вуди

Агьалйир рази ктаьрударстар натижйир ишри

Альимари къайд ап1урайиганси, гьулан мяишатдин циркил ихъ эра ккебгъайиз хайлинси улихъна ади гьабхъну ва думугандин инсанари, жил тартиб ап1ури, чпин хизанарин дуланажагъ ап1ури гьахъну.

Мялум вуйиганси, жилин али кевшанарикан Урусатдиъ гьулан мяишатдин ишлетмиш ап1ру кевшанарин къадар гизаф (4,5 процент1ан зина) ву. Варидюн1ийиъси, ихъ уьлкейиъра АПК – йин гьасилвал агьалйирин тяминвал артухъ ап1ру ахю комплекс вуди гьисаб ап1ура. Гьулан мяишатдин цирклин артмиш вали уьлкейин экономикара, агьалйирин дуланажагъра за ап1уз мумкинвал тувру.

Саризра жиниб дар, ккудубшу аьсерин 90 – пи йисари ихъ уьлкейиъ гьахъи реформйири гьулан мяишатдин цирклин артмиш вализ гьап1ну. Думуган гьюкуматдин терефнаан кюмек адру хайлин мяишатар ккадахънийи. Ликт1ин гьуздаризра агьалйириз лазим вуйи къадар гьулан мяишатдин продукция гьасил ап1уз мумкинвал адайи. Гьациб гьалнаъ ихъ уьлкейин гьулан мяишатдин циркил 1999 – пи йисазкъан гьубзнийи. Хъасин думу цирклин артмиш вализ фикир тувну, дидин гьасилвализ, цибди вущра, пулин дакьатар деетуз хьогънийи. Хъа ихъ уьлкейин ихъ дуст дару уьлкейири санкций иливуз хьогъиган, гьулан мяишатдин циркил хъана гужалди артмиш хьуз хьогъна.

Ухьуз рябкьорайиганси, гьи ихъ уьлкейин кевшанарин гьасил гьап1у гьулан мяишатдин продукция уьлкейин агьалйирира ишлетмиш

дап1ну, жара уьлкейиризра хьтап1ура. Дюз гьапиш, гьулан мяишатдин продукция ухьухъна жара уьлкейирианра хура.

Дагьустан Республика Урусатдин Кьиблайийъ ерлешмиш духънайи республикйирикан саб ву. Ихъ республикаин кевшанарий гьулан мяишатдин ми-мидарди вари жорейин продукция гьасил ап1уз шулу, ккудубшу йисхънамина гьеле бамбагра кмиди гьасил ап1ура. Гьарисан республикаин малдарари чарвайин, малин, къушарин йикк, нис, ччим ва жара продукция гьасил ап1баан улхъан жергейиъ йишвар гьазанмиш ап1уру. Хъа ериймиш, т1умт1ар, дюгю гьасил ап1увалин цирклар хъана улихъна гьагьюра. Дици вуйивал ихъ алверин точкйириз гьушиган рябкьору. Ери жигьатнаан улхуруш, ихъ кевшанарий гьасил гьап1у гьулан мяишатдин продукция экология жигьатнаан марциб ву гьапишра, куч1ал даршул.

Гьулан мяишатдин работниқдин пишекарвалин машквран улихъ «Табасаран район» МР-ий айи «ОСХ» МБУ-ийн директорин вазифйир вахтназ вуди тамам ап1урайи Аьгьмад Нурович Аваевди хьди гьорюшмиш гьахъунза ва дугъкан, ихъ райондиъ гьаму йисан гьулан мяишатдин продукция гьасил ап1увал фици вущ, пуб ккун гьап1унза. Дугъу гьамци гьап1нийи:

-Райондиъ гьулан мяишатдин продукция гьасил ап1убийн мяишатарг1ан савайи, хусуси секторий лихурайидарра машгьулди ву. Ав, саризра жиниб дар, аьхиримжи йисари, хайлин

вахтна давам шлу хьадан къурагьвали, гьулан мяишатдин продукция гьасил ап1уз манигьвалар алахъуру. Рябкьорайиганси, яваш-яваши ихъ гьасилдарар дидихънара вердиш шула ва къурагъ вахтна гьасилвализ зарал дархъуз вуйи серенжемар к1ули гьахуру. Ав, инкар ап1удархъа, ухьу фукъан гьапишра, гьулан мяишатдин цирклиъ лихурайидариз гьасилвалий хайлин читинвалар алахъуру: гьубк1ну техника, ургру – ктатру материалар, ерийн тум, гьасил гьап1у продукция иша ап1ру йишвар адрувал ва жарадар. Гьаци вущра, ихъ райондин гьасилдарар думу читинвалар ккагъуз гьузурдар, аьксина вуди, дурар гьулан мяишатдин продукция артухъдира кади тамам ап1уз чалашмиш шулу.

Ав, ухьуз ккунду к1ури, гьарисан гьулан мяишатдин вари жорейин продукция хъайи-хъайибси гьасил ап1уз шлуб дар, гьаз гьапиш гьавайин шараитариз дилигну, продукция битмиш шулу: гизаф мархъар ургъури, бегьер ч1ур шулу, ясана къурагьвалиан ебццуру. Хъа гьасилдарари думу читинвалар вари гьисабназ гьадагъуру ва чпи гьасил ап1урайи бегьерин битмиш вализ асас фикир тувру, улупнайи вахтна агротехникаин серенжемар к1ули гьахуру.

Дупну ккундуки, ккудубшу йисанг1ан гьаму йисанра гьулан мяишатдин саспи циркларий продукция гьасил ап1увалин натижйир харжидар дар. Мисалназ, гьаму йисан 1-пи октябриз вуйи улупбаринди, ихъ райондиъ малдарвалин цирклиъ вари сабишв инди 13350 тонн никк, 2 340 тонн йикк, 18

тонн хъа, 9 575 аьдад муртйир, 42 тонн йичв гьасил гьап1ну ва агьалйириз масу тувну. Думут1анна савайи, райондиъ, гизаф даршра, айи мумкинвалариз дилигну, тахила гьасил ап1ура. Гьаци, гьаму йисан райондин хут1ларин вари сабишв инди 2 357 тонн тахил уч гьап1ну, гьадму гьисабнаан 1 242 тонн дяхин; 522 тонн мух; 80 тонн нюрх; 513 тонн гьажибугьда.

Райондин бистанчйири ва багъбанчйири бистнин мейвйир, йимишар гьасил ап1увализ асас фикир тувру. Гьийин йиғъаз райондиъ, вари сабишв инди, 3 676 тонн йимишар уч дап1на, уч ап1увал давам шули ими. Гьадму гьисабнаан, алучйир 482 тонн; беълийир 224 тонн; мишмишар 720 тонн; жвугърийир 973 тонн; хуттар 189 тонн; вичар 1 088 тонн. Бистнин мейвйир уч ап1увалар писди дар, гьийин йиғъаз вари сабишв инди 5 183 тонн уч дап1на, гьадму гьисабнаан картфар 4998 тонн; бахчайин культурйир 330 тонн. 1-пи октябриз вуйи улупбаринди, райондиъ 17 664 тонн т1умт1ар уч дап1на, т1умт1ар уч ап1увал давам шули ими.

Ухьуз мялум вуйиганси, райондин хайлин агьалйири мал-къара уьбхюра, мал-къара уьбхюрайи мяишатарра ахъуз. Гьадрари вариди сабишв инди къордуз мал-къарайиз 57 500 тонн къуру аьлаф гьазур дап1на, гьеле гьазур ап1урира ими. Мисалназ, гизаф йисарин ук1ар (люцерна саб-швнуб ражари убштуру) уч ап1урира ими. Мал-къара уьбхюрайидари гьарисан лембера гьазур ап1уру. Гьаци, гьаму йисан мал-къарайиз 1 291 тонн

лембе гьазур дап1на.

Аьхиримжи йисари райондин хайлин агьалйир нимкъар гьасил ап1увалин машгьулди ву. Дурари июнь ваз улубкъхъанмина райондин агьалйириз нимкъар масу тувра. Магъа октябрь вазлира, яни гьаму йиғъари, райондин центрий базарий нимкъар масу тувра. Гьаму йисанра райондиъ 250 тонн нимкъар уч дап1на.

Айи багъариз заан хъайивал ап1уб, цийидар итуб гьарсар багъбанчийин асас вазифа ву. Гьаци, гьаму йисан райондиъ 81 гектариъ т1умт1ин, 2 гектариъ йимишдин цийи багъар итну.

Райондиъ гьулан мяишатдин жара продукция гьасил ап1урайидарихъди сабси, т1умт1ар гьасил ап1урайидарира гьарисан заан натижйир гьадагъуру. Гьадрарин арайин гьисаб ап1уз шулу «Кьурбанов А.», «Нурбалаев С.», «Гьасанов П.» ва жара КФХ-йир.

Октябрин 13-ди ихъ уьлкейиъ гьулан мяишатдин ва тартиб ап1ру промышленостдин работниқдин йиғъай къайд ап1иди. Райондин гьулан мяишатдин цирклиъ лихурайи вари ксар пишекарвалин машкврахъди тебрик ап1ураза...

Гьулан мяишатдин цирклиъ ва хусуси секторий лихурайидар ухьура тебрик, дурариз гьавайин ужудар шараитар, гьасилвалий чпиз лазим вуйи алат гьаммишан ади хьуб, заан бегьер битмиш ап1уб ккун ап1урхъа. Гьит дурарин читин ва жавабдар, гьагъи ляхни агьалйир рази ктаьрударстар натижйир хури. Шадвал, сагъвал, хьуркъувалар ишри чпиз.

У.АБДУЛКЕРИМОВА,
гьулан мяишатдин
отделин редактор.

В селении Ерси отметили юбилей школы



(Начало на 1 стр). территории района. Тогда его посещали 24 ученика. Школа в Ерси развивалась вместе со страной и в 80-е годы в нее ходили уже более 700 детей. Многие выпускники достигли успеха в научной, экономической, общественной деятельности. В сценарий торжественной линейки, которая длилась более двух часов, вошли официальные выступления, исполнение песен различного жанра и хореографических миниатюр учениками школы, воспоминания выпускников школы различных лет, поздравления от приглашенных.



Курбанов сказал: «Среди выпускников школы всегда было много одаренных людей, которые проявили себя на уровне района, республики и страны. Желаю вам дальнейших успехов в деле образования и воспитания достойных граждан нашей страны». В качестве подарка к юби-

директору образовательного учреждения сертификат на сумму в 300 тысяч рублей для улучшения материально-технической базы школы. Магомед Курбанов также вручил почетные грамоты отличившимся педагогам. Присутствующих поздравил и депутат Народного Собрания РД. Он вручил учителям ведомственные награды Министерства образования и науки Дагестана. В завершение торжественной линейки педагогический коллектив школы исполнил песню «С днем рождения, школа».

Поздравляя коллектив школы и ерсинцев с этой знаменательной датой, Магомед Курбанов вручил

А. ИСАЕВ.
Фото Н. РАГИМОВА.

Завершается строительство водопровода для сел Ерси и Зиль



Глава района Магомед Курбанов ознакомился с ходом строительства водопровода для сел Ерси и Зиль, которые входят в состав Ерсинского сельсовета. Руководителя муниципалитета сопровождали депутат Народного Собрания Республики Дагестан Алаудин Мирзабалаев, представители заказчика и подрядной организации, глава СП «сельсовет Ерсинский» Абдулмеджид Шабанов. Водопровод должен обеспечить питьевой водой более

400 домохозяйств сел. Это сложное гидротехническое сооружение, в которое входят несколько накопителей, каптажная камера, система водоочистки и насосная станция. Дебет воды оценивается в 200 тонн в сутки. От местности «Шах-шах», где находятся несколько источников, по 3 линиям, общая длина которых составляет 14 километров, вода должна быть направлена в конечные точки в Ерси и Зиль. Магомед Курбанов осмотрел уже построенные объекты

водопровода, обсудил с заказчиками и подрядчиками сроки сдачи социально-значимого объекта. На данный момент осталось провести пуско-наладочные работы: проверить резервуары на герметичность при полной загрузке и восстановить дорожное полотно, вдоль которой проходит линия водопровода. Работы должны быть завершены до конца месяца.

А. ИСАЕВ.
Фото Н. РАГИМОВА.

Постановление №270 от 04.10.2024 г. О повышении заработной платы работников муниципальных учреждений муниципального района «Табасаранский район» Республики Дагестан

Во исполнение п. 4 Постановления Правительства Республики Дагестан от 27.09.2024 г. № 303 «О повышении заработной платы работников государственных учреждений Республики Дагестан», администрация муниципального района «Табасаранский район» Республики Дагестан постановляет:

1. Повысить с 1 октября 2024 года на 4,5 % оклады (должностные оклады), ставки заработной платы работников муниципальных учреждений муниципального района «Табасаранский район» Республики Дагестан, на которых не распространяются указы Президента Российской Федерации от 7 мая 2012 г. № 597 «О мероприятиях по реализации государственной социальной политики», от 1 июня 2012 г. № 761 «О Национальной стратегии действий в интересах детей на 2012-2017 годы» и от 28 декабря 2012 г. № 1688 «О некоторых мерах по реализации государственной политики в сфере защиты детей-сирот и детей, оставшихся без попечения родителей».
2. Финансирование расходов, связанных с реализацией настоящего постановления, осуществлять за счет средств, предусмотренных в районном бюджете муниципального района «Табасаранский район» Республики Дагестан.
3. Настоящее постановление вступает в силу со дня его подписания и распространяется на правоотношения, возникшие с 1 октября 2024 года.
4. Опубликовать настоящее постановление в районной газете «Голос Табасарана» и разместить на официальном сайте администрации муниципального района «Табасаранский район» Республики Дагестан в сети интернет.

Глава МР «Табасаранский район»
М.С. Курбанов.

Призыв - 2024

Квота для Дагестана - 3,5 тысяч

Около 3,5 тысяч новобранцев — квота для Дагестана на военную службу в рамках осенней призывной кампании в 2024 году.

Об этом сообщил врио военного комиссара РД Абдурахман Мурадханов.

Призывная кампания продлится до 31 декабря. Повестки призывникам будут вручаться в бумажном варианте и заказными письмами через почту.

(Из СМИ).

Варидюн`яйин почтайин йигъаз

Агъалйирин игътияжар гьурк1рудар

Гьарсаб уьлкейи почтайин йигъ кьайд аплу йигъ чпи тьяйин аплуру. Тьяйин дап1най йигъаз асас вуди, думу уьлкейин почтайин пишекрари чпин пишекварлин машквар кьайд аплуру. Хъа Варидюн`яйин почтайин йигъ 9 – пи октябри кьайд аплури абдатнаъ а. Думу йигъ тьяйин аплуз 1969 – пи йисан Токийиъ к1ули гьубшу XVI Варидюн`яйин почтайин союздин (ВПС) Конгрессдиъ кьарар адабгъну ва дидин учредителарди Варидюн`яйин почтайин союз тьяйин гьаплну.

Почтайин пишекрарин асас вазиа агъалйирихъна вахтнинди посълкйир, бандеролар, телеграммйир ва жара корреспонденция рукъуб ву. Думут1анна савайи, дурари пулин переводар хътауру, агъалйири гьубгу газран, электроэнергияйин гьякьи бисуру, жюрбежур выплатйир тувру, яни дурариз тамам аплуз гьубк1ну ляхин шулу.

Кьайд дап1ну ккундуки, улихъди почтайин ихъ уьмриъ ахю роль уйнамиш аплуи. Сар почтальонди саб-швнуб гьулан агъалйирин почтайин гьуллугъар гьурк1уйи. Думугандин почтальонар чпин ляхнихъна гьадмукъан жавабдарвалиинди янашмиш шуйи. Почтальонариз корреспонденция гьабхуз сумка, почтайин форма палат тувуйи. Дюз к1ури гьабхъиш, думуган почтальонди лихурайи касдикъан, саб тягъар вушра, почтальондин маважибдикъан чан хизандин дуланажагъ аплуз шуйи. Ухъуз айи мялуматаринди, гьийин девриъ почтальонариз туврайи гьякьи лап биц1иб ву. Гьаддиз думу гьуллугънинна гьюру ксар агуз читинди шулу.

Ихъ райондин почтайин начальниди гизаф йисари гьилиху, яни почтайихъди аьлакьалу ляхниз чан вари гьанажагълу уьмур бахш гьаплу, Хючнаъ гьулаъ яшаммиш шулайи Шамил Мягьямедовдин лайикълу рьягътавалиъ ади хайлин йисар ву. Думу тажрубалу пишеквар райондин почтайин ляхин жара районринт1ан улихъ, почтайин пишекрариз шарайтар яратмиш аплуз чалашмиш шлур вуйи. Думуган райондин гьуларий айи аьлакьайин отделенийр вари Хючнаъ ерлешмиш дубхънайи почтайин дахилнаъ айи (гьамус Дербент почтамтдиз дахил шула). Гьадрадин варидин гьайгъушнаъ шлу Шамил Мягьямедовди читинвалариан учув1уз рьякъяр агуйи. Почтайин начальниди агъалйирин гьуллугънаъ хъуз, дурадин гьуллугъар хъайи – хъайибси тамам аплуз чан коллективдикъди сат1иди, чпихъан

шлур вари аплуйи. Мисалнаъ, думу йисари Жулжгарин, Хянгъгарин, Хьаргъгарин, Курккгарин, Гум`арин, Хючнаарин почтайин отделенийрин начальниди чпин почтайин дахилнаъ айи гьуларин агъалйирин почтайин ляхнарихъди аьлакьалу вуйи вари гьуллугъар тамам аплуйи.

Гъи думу почтайин отделенийрин хайлиндириъ гьадму йисари лихури гьяхъи начальнидин баяр лихура. Дурариз почтайин ляхин ужуйи аьгъа ва думу намуслуди к1улиз адабгъура. Гьаддарин арайин гьисаб аплуз шулу Жулжгарин аьлакьайин отделенийрин начальниди Рамин Аслановра. Думу чан ляхин ужуйи аьгъю, гьаммишан агъалйирин гьуллугънаъ айи жавабдар пишекрарикан сар ву. Рамин Аслановдин почтайий жюрбежур гьуллугъарий лихури хайлин йисар ву, яни дугъу чан зегъметнан рьякъ почтайий лихури хъаплра. Периодикайин издайириъ подписка аплувалра думу отделенийий пиди шуллар. Думу ляхниз Жулжгарин почтайин отделенийрин начальниди асас фикир тувру, гьаци вуйи совет уьлкейин девриъра. Отделенийрин дахилнаъ айи гьуларин агъалйир Раминдин ляхникан разиди шулу.

Мадина Мазалаевайин Хючнаарин аьлакьайин отделенийий операторди лихури, хайлин йисар ву. Думу чан ляхин ужуйи аьгъю, фунур касдинра гьуллугъ вахтнинди тамам аплу, чпихъна илт1ик1у агъалйир гьаврикк ккауз чалашмиш шлу пишекрарикан сар ву, яни гьуллугъ ади почтайиз илт1ик1у ксарихъди гафч1ал аплуз дугъаз ужуйи аьгъа. Думу отделенийий лихурайи Амир Нурбаевра агъалйирин почтайин гьуллугъар гьурк1бан вазифйир намуслуди к1улиз адагърур ву.

Мялум вуйиганси, аьхиримжи вахтна райондин пенсионерарин пенсия почтайин тувуз хьогъна. Саб жерге пенсионерарин пенсия Амирира тувра. Саб-швнуб ражари дугъхъан пенсия адабгъну гьягъру яшлуйири дугъан адреснаъ тьярифнан ва чухсагъулин гафар к1ури гьеерхъунуз.

Варидюн`яйин почтайин йигъахъди ихъ райондин почтайин гьуллугънаъ лихурайи ва лайикълу рьягътавалиъ айи вари пишекрар тебрик аплури, дурариз агъалйирин гьуллугънаъ хъуз сагъвал хъуб ккун аплураха.

Материал
гъазур гьаплур
Углангерек
Абдулкеринова.

Шайрин юбилейиз

Эльмира Аьшурбегова

Ватан

Кьалмиинди дидик1надар
Игитвалин яв тарихар.
Гьубшу уьмрин
шагьидар ву
Анжагъ гьургу
рякъяр-рихар.
Шагьидар ву анжагъ
ругар,
Дизигнайдар амк1на ифи,

Гьисс дап1найдар
нежбрин хилар
Ва ликар душмнарин,
гьафи.
Кишра али накъвдин
гьванар,
Зийнар али кюгъне
цалар,
Ургур гьардшин

гъалайин гьюрд -
Адар мурарин ч1ал
аьгъюр.
ХъТяркъюз дархьи
гьузна аьсарар,
Хазнийрси уьрхюри
сирар.
Тек нагълари к1ура увкан,
Йиз игит юрд – Табасаран.

Миллетдин тарих

Чапхунчйирин
рякъ`ин алди,
Тарихарин цигъ
гьубгу халкъ.
Азад ватан уьбхру дьавдиъ
Гьулар-шагърар
гьудургу халкъ.
Фуну к1улихъан му
дюн`я
Гьабхъиш ц1а
кабхъну уьгури,
Думу цигъ яв багъри баяр
Гьяди шулу, жанар
туври.

Шлилан йивурашра
гьирмаж,
Уч1врушин рубкъуру
яв к1ваз.
Шлиин илипурашра
харж –
Думу шулу яв
зарарназ.
Гьюлерин
гьатмуну к1ак1наъ
Гими штарикк
ккабхъри гьабхъиш,
Якъин думу гьюлин
к1анаъ

Яв ккуни бай шулу
батмиш.
Наан зав гьабхъишра
хяви,
Яв к1улихъ шулу
яснан шал.
Шлин жилин алшра дьави,
Яв ужагъдиз гьюру ишал.
Йиз вафалу, йиз жюр`этлу
Марцци Ватан,
гьябкъюб гужар,
Баяр дургну ад аьхю шлу
Тарих дарибшрияв текрар!

Кьалухъ Мирзайин васият (Шайрин хат1нинди)

Мургу дустар, аплураза васият
Уьзденвалиъ Ватан уьбхюз азадди!
Му жилин фициб вушра васият,
Дагъустан халкъдин дуствал бисай зади.

Жигил насли уьбхри абйирлан гьубзуб,
Ихъ жил, яркур вардин пай кади гьитри-
Мургу ксари юрд бадали удубзу
Ифдин гьадри адарди хъуз гьидритри!

Учвлантина дьави зат меккебгъанай!
Тур хъади гьафир аплунай дагъитмиш!
Халкъдин арайиъ гьякълу илим рабгъай,
Дугъри кеспарин йихъай аьшкъламиш!

Ихъ Ватандиъ йиз рюгъ гьубзди ч1ивиди,
Текрар шули кьагъял наслин гьунарнаъ.
Ухъухъ гьамцир игит кас гьахъну, пиди,
Гьякъ абгиди Кьалухъ Мирзайин ирснаъ.

(Шир автори чан «Эвелин дих» пьесайин аьхирий ивуз 2016-пи йисан гьибиклуб ву).

Хъайин аьшкъ

Зав`ан, лизи тикйирси
марчлин хъайин,
Йиф абхърайган,
сяаьт
миржибдиъ гьач1нин
Ич хулаъ
дюн`яйиз гьафисби узу,
Дадайихъди
хъайин ахникк ккаънийзу.

Дуркъарихъ
бабанна дадайин кьялаъ.
Хулаъ вари багъалуб
вуйи хъайин,
Хъайинуб вуй
умудра, учуз айи.
Хъайин пенжгар,
хъайин шалар,
булушкйир,
Хъайин ат1нар
ургъуй, каъри кишрийир.

Ич дадайин
хили гьурхдар гирами.
Хъайин гьалвар,
худлар-гудлар уьрхюри,
Гьузна гьира,
гьаравшарди лихури.

Хъайин лефигъ
дидисну узу хабаъ,
Хъайин гута ипну
йиз биц1и кьябаъ.
Гьуду хъайир
йливну ликариин,
Илит1ури гьахънийи
узу кьяб`ин.

Аргонавтар,
гьезилин гьидикъ абгуз,
Мумкин ву, ихъ юрдариз
гьафнуди хъуз.
Биц1ирин лик
кудрук1уз жилик гьяц1ал,
Кюмсар-гьалвари
ккабц1уй дадайи хал.

Аьхир рьякъюъ
хъайин халачийигъди,
Ягъли гьюнар ккивну,
узу гьахиди.
Халачийиз
йивури гьамлу хилар,
Багърийири
апиди узухъ ишлар.

Узу уьрхру
гьаравшар вуйи хъайир,
Гьаддиз вуйза
дишлади аьхю гьахъир.
Дитний узу,
уршри имдруган кьябаъ,

Гьира хулакк
кюкдин накъишар
ккими,

Хъа сабан ч1иви ригъ
илми йиз к1ул`ин,
Мани аплуб,
вуйиганси уч хъайин.
Аку ранган
гириш али дуркъаригъ
Убурайси,
гьябгъюра йиз
гьарсад йигъ.

Намуснан кьанунар

«Дициб абдат дар гъа!» - к1уйи ич бабу,
Дагълу аьдалат уьбхюб аплури ккун.
Къувватсуз шуй вари далилар имбу,
Гьадму гаф вуй варит1ан аьхю кьанун.

«Му бачук1 манишназси, намусназра
Улубк1найиб вуйиз», - к1уйи абайи.
Му гаф вуй насигъатра, марцци фарзра,
Думут1ан аьхю гьадагъа адайи.


Гьатху чвул

Гьатху к1ажар уьлорхну а
завун ранган дагрин.
Гьиссарин жар алабсну а
йиз фагъумдин даргнин.
Сажли ликар ккайи гьарар
узухъди йиз дерднин
Милаъси а – аьжуз духъну

увкан гьаплуш йиз к1ваин.
Гюзгюйиъси ат1абура
йиз гевюлий гьатху чвул.
Фикрарин лиж айт1 ипри,
алабхъура гьатху чул.
Дурнийриъ хилар г1урччури,
уьлюбгъюра гьатху ук1,

Гьатху мик1лу сефилвалин
гьатху чулий ипра юк1в.
Мюгъюбатдин
гьатху мугриъ
улдубгура му яв гьисс.
Текрар шуйк1ан сабансана
яв гевюлий уьмур йиз?

Мялимин йигъаз бахш вуди



Октябрин 3-ди Къалухъ Мирзайин ччвурнахъ хъайи спорткомплексдиз мектебариз урхурайидарин арайиз юкъв бисбаан соревнованийр к1ули гъушну.

Мялимин Йигъаз бахш вуйи спортдин думу ахью серенжем райондин администрацияи ва бицидаринна-живанарин 4-пи нумрайин спортшколайи тешкил

гъап1нийи. Думу турнириъ 2007-2010-пи йисари бабкан гъахьи, бицидар ва живанар иштирак гъахьну, вари 90 спортсмен. Думу талитар умуми гъисабниинди 10 гъагънан категорияиз пай гъап1нийи. Гъалиб гъахьидар ва призерар медаларихъди ва Гъюрматнан грамотийрихъди лишанлу гъап1ну. Гъалиб гъахьи

камандийр райондин главайиндин месэлийриз лигрук ю мекчи Набир Зулфи-кваровди, СВО-ийи иштиракчи Кемран Рашидовди ва райадминистрацияи ин спортдин ва туризмийн ули-

хъайи пишекар Вадим Рашидовди лишанлу гъап1ну. Думу соревнованийрин судийр Закир Гюлов ва Султанбег Шябанов вуйи.

Соревнованийр «Табасаран район» МР-ий 2024-2028-пи йисариз терроризмиз къаршу гъяракатарин Комплексный план» умрийр юрутмиш ап1бан рамкийриъди к1ули гъушну.

У. Къурбанова.

Сквер ачмиш гъап1ну

(Эвел 3-пи машнаъ.) нийи: «Гъи Цалак мягъялиъ ихъ бицидариз нубатнан сквер ачмиш ап1урахаъ. Улихъди мушваъ мини-футболдин майданра тикмиш гъап1нийхъа. Мицдар тикмиш ап1бан бадали, жавабдар ксари сабхилди ляхин дап1ну ккунду. Гъаци вуйиган республикаийн руководствоми кюмек тувру. Гъулан жямаятдин кюмекра лазим шулу. Узу зинхъ ктуху ксарин гаф саб вуйивалиинди, жягътлувалиинди гъи Цалак мягъялиъ гъам мини-футболдин майдан, гъамсана бицидариз вуйи цлийи сквер тикмиш ап1уз мумкинвал гъабхъну. Гъап1убдин дийигъури адархаъ. Ихъ райондин гъуларийъ цлийибт1ан-цлийиб тикмиш, рас ап1ури, инфраструктураийн артмиш вализ асас фикир туврача. Ихъ цлийи сквер ишлетмиш вализ туввал тебрик ап1ураза, хъа баяр-шубарикан, телефондиз адап1ру вахт цлийиб дап1ну, сквериз гъюри, душваъ тамшир ап1ури, вахт адап1уб ккун ап1ураза».

Цалак мягъялин жямаятдихъна илгиклури, Дагъустан Республикаийн Халкъдин Собраниеийн депутат Алавудин Мирзабалаевди ахиримжи вахтна ихъ гъуларийъ шагъристаринстар шараитар яратмиш ап1урайиваликан, республикаийн Главайи ва Гъюкуматди агъаллийриз шараитар яратмиш ап1баз вари къувва-



тар сарф ап1урайиваликан гъап1нийи ва Цалак мягъялин жямаят му шаду гъядисаийхъди тебрик гъап1нийи.

Жямаятдин терефнаан удуч1вну улхури, Цалак мягъялин агъали, хъуцлур йисанкъан гъулан мяишатдин цирклиъ жюрбежюр гъуллугъарийъ гъилиху, гъи лайикълу рягътавалиъ айи Сейфутдин Мягъямедовди сквер тикмиш ап1уз кюмек тувру райондин руководствомиз жямаятдин терефнаан чухсагъул гъап1нийи, уч духънайи абийр-бабарикан жямаятдин бицидар бадали тикмиш гъап1у му умарат убхъуб, пуч дарап1уб, мушваз хъади гъюру

бицидар гъозчиваликк гъитуб ккун гъап1нийи.

Сквер тикмиш гъап1у подряддин тешкилатдин адресназра райондин руководствоми тярифнан гафар гъап1нийи ва, ужуб ляхин ап1баз лигну, дурарикан хайлиндар Чухсагъулин кагъзарихъди лишанлу гъап1нийи. Цалак мягъялин агъаллийрин терефнаанра Чухсагъулин кагъзариз лайикълу гъахьидар айи.

Ахирийъ «Табасаран район» МР-ин Глава Мягъямед Къурбановди, Дагъустан Республикаийн Халкъдин Собраниеийн депутат Алавудин Мирзабалаевди ва подряддин тешкилатдин

генеральный директор Мягъямед Шавлуковди сквер ачмиш ап1баз вуйи урулента гъадаб1нийи. Хъасин Хючна гъулан культураийн Хулан пишекарар вуйи Арсен Аслановди ва Рустам Рамазановди мялийир гъурхнийи, Цалак мягъялиъ ерлешмиш дубхънайи «Теремок» бицидарин багъдин баяр-шубари шийрар гъурхнийи ва ялхъван гъап1нийи. Шадвалин серенжем къаназ давам гъабхънийи.

Угълангерек АБДУЛКЕРИМОВА, отделин редактор.

Н. РЯГЪИМОВДИ гъиву шиклар.

Кейванийин фикирназ

Къюб швур дап1найи гулдихъди рукъан мутмирилан, мурччурарилан, шишарилан рягътади парс алдап1уз шулу. Эгер ути йивурайиган палат гъубгиш, гъагху гъабши йишв гулдин штухъди къаши ап1найи ва саб-швнубсяагъдилан жибк1ай. Тамгъа гъубзурдар. Саб бедре штук саб муччур нашатырный спирт кубзиш, дидихъди гъурччу палтар гизаф лизи шулу.

К1ул жюбху рягъ вая щетка марци ап1бан бадали, дурар йишвну цлийибди нашатырный спирт ва саб шит1маригъ гъийи кыл кабхънайи штуйивну гъитай.

Къилзи гъабхъи хурагнак шид кубзну ва саб-швнуб картуф кипну ккунду.

К1аму къаназ гъитган, дидихъ къудкъли ний хъивру. Мициб дюшошнаъ к1аму саб тики уъл кипну убхъуру (дагъ ап1уру). К1амдин къуткълишин уъли чахъна зигуру.

(СМИ-йиан).

(Ответы на сканв № 40).



Учредитель:
Администрация МР
«Табасаранский район».

Главный редактор
И.М. Яралиев.

Табасаранский язык.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются.

Газета зарегистрирована Управлением Федеральной службы по надзору в сфере связи и массовых коммуникаций по РД от 12.12.2008 г
Регистрационный номер:
ПИ № ФС 05-0013.
Цена - 8 руб.

ИНДЕКС-51375.
Адрес редакции и издателя:
368650.РД, Табасаранский район, с.Хучни, «Редакция газеты «Табасарандин сес» («Голос Табасарана»)).
Срок подписания в печать по графику - 17.00
Подписано в печать - 17.00

Телефон:

Главного редактора -
8-967-390-76-85.

Адрес электронной почты:

golostab@mail.ru

Газета набрана и сверстана на базе компьютерной техники МБУ «Редакция газеты «Табасарандин сес» и отпечатана в ООО «Типография -М» 368600, г. Дербент, ул. С. Курбанова, 25.
По всем вопросам качества печати обращаться в типографию

Тираж 2269
Заказ №